

AUGLÝSING

um flutningsjöfnunargjald á olíuvörum.

Á grundvelli laga nr. 103/1994 um jöfnun á flutningskostnaði olíuvara tilkynnir Samkeppnisstofnun að flutningsjöfnunargjald á neðangreindum olíuvörum verði sem hér segir frá og með 1. desember 2002 og gildir gjaldið þar til annað verður ákveðið.

Bifreiðabensín	0,40 kr. á lítra
gasolía	0,90 kr. á lítra
aðrar olíur og blöndur til brennslu	1,00 kr. á kg
flugvélabensín	0,75 kr. á lítra
flugsteinolía (þotuelsneyti)	0,10 kr. á lítra

Samkvæmt 3. gr. laga nr. 103/1994 um jöfnun á flutningskostnaði olíuvara skulu dreifingaraðilar samkvæmt 1. gr. laganna, aðrir en þeir sem annast innanlandssölu á olíu í öllum landshlutum, greiða flutningsjöfnunargjaldið við innheimtu aðflutningsgjalda miðað við innflutt móttekið magn. Tollstjórinn í Reykjavík og sýslumenn utan Reykjavíkur annast samkvæmt sömu grein innheimtu gjaldsins og skulu skila því til flutningsjöfnunarsjóðs olíuvara.

Samkeppnisstofnun, Reykjavík, 11. nóvember 2002.

Georg Ólafsson.

Gunnar G. Þorsteinsson.

AUGLÝSING

um breytingu á auglýsingu nr. 790/2001 um reikningsskil sveitarfélaga.

1. gr.

Við 3. gr. bætast eftirfarandi skilgreiningar:

Samantekin reikningsskil: Samantekin reikningsskil eru reikningsskil A-hluta og B-hluta sveitarfélags sameinuð í eitt. Að svo miklu leyti sem við á gilda um samantekin reikningsskil reglur um samstæðureikningsskil, sbr. ákvæði laga um ársreikninga, nr. 144/1994.

Skuldapak:

Skuldapak sýnir hversu miklar skuldir sveitarfélagið þolir til lengri tíma miðað við greiðslugetu þess á grundvelli framlegðar og gefinna forsendna um meðalvexti lána og endurgreiðslutíma. Skuldapak sveitarfélags er reiknað sem núvirði þess hluta framlegðar sem ráðstafa má til hreinna afborgana og vaxta á þeim tíma sem eðlilegt getur talist að sveitarfélag greiði upp núverandi skuldir sínar. Við útreikning skuldapaks skal miða við forsendur um meðalvexti, endurgreiðslutíma lána og hlutfall framlegðar sem varið er til hreinna afborgana og fjármagnsgjalda samkvæmt reglum sem eftirlitsnefnd með fjármálum sveitarfélaga setur.

2. gr.

Skilgreining á fyrirtækjum sveitarfélags í 3. gr. verður þannig:

Fyrirtæki sveitarfélags: Fyrirtæki sveitarfélags eru fjárhagslega sjálfstæðar rekstrarein-

ingar sem falla undir b-lið 13. gr. reglugerðar nr. 944/2000. Um framsetningu fjárhagslegra upplýsinga fyrirtækja sveitarfélaga í samanteknum reikningsskilum sveitarfélags skulu, að svo miklu leyti sem við á, gilda reglur um framsetningu dóttur- og hlutdeildarfélaga í samstæðureikningsskilum, sbr. lög um ársreikninga, nr. 144/1994.

3. gr.

Ákvæði 9. gr. verður svohljóðandi:

Reikningsskil sveitarfélags.

Reikningsskil A- og B-hluta sveitarfélags skulu tekin saman og gerð í samræmi við almenna reikningsskilavenju, sbr. þó önnur ákvæði þessarar greinar.

Eignarhlutir í öðrum félögum.

Í samanteknum reikningsskilum sveitarfélaga skal beitt hlutdeildaraðferð við meðhöndlun eignarhluta og afkomu dóttur- og hlutdeildarfélaga.

Eignarhlutar í eigu sveitarsjóðs (A-hluta) skulu færðir til eignar á kostnaðarverði, sbr. III. kafla laga um ársreikninga nr. 144/1994. Í reikningsskilum sveitarsjóðs er eigi heimilt að beita hlutdeildaraðferð við meðhöndlun eignarhluta og afkomu fyrirtækja sveitarfélaga þar sem fyrst og fremst er verið að draga fram ráðstöfun skatttekna.

Byggðasamlög sveitarfélaga falla undir B-hluta sveitarfélags og skulu í samanteknum reikningsskilum meðhöndluð á sama hátt og fyrirtæki sveitarfélaga. Í skýringum í ársreikningi sveitarfélags skal þó sérstaklega gerð grein fyrir hlutdeild sveitarfélagsins í heildar eignum og heildarskuldum byggðasamlagsins.

Um reikningsskil dóttur- og hlutdeildarfélaga fyrirtækja sveitarfélaga fer eftir almennum reikningsskilavenjum.

Rekstrarframlög til stofnana og fyrirtækja sveitarfélaga.

Hafi sveitarfélag falið stofnunum sínum eða fyrirtækjum að sjá um lögbundin verkefni eða önnur venjubundin verkefni sveitarfélaga ber aðalsjóði að reikna og færa árlega framlag til viðkomandi stofnana og fyrirtækja til þess að mæta rekstrarhalla þeirra. Þetta á við þegar um viðvarandi rekstrarhalla er að ræða og starfsemi viðkomandi stofnunar eða fyrirtækis er ekki í samkeppnisrekstri. Framlagið færast til gjalda á viðkomandi málaflokk í aðalsjóði og til tekna sem rekstrarframlag hjá viðkomandi stofnun eða fyrirtæki.

Dæmi um stofnanir og fyrirtæki eru:

- Félagslegar íbúðir
- Almenningssamgöngur
- Hafnarsjóðir

Hafi sveitarfélag ekki reiknað framlag til framangreindra stofnana hingað til skal leiðréttá framlög fyrri ára, með færslu á eigin fé hjá aðalsjóði annars vegar og viðkomandi stofnun eða fyrirtæki hins vegar.

Veiti sveitarfélag B-hluta fyrirtæki framlag til að mæta tilfallandi rekstrarhalla skal slíkt gert í formi lánveitingar með skuldarviðurkenningu milli aðila.

Sveitarfélagi er óheimilt að afla sér tekna með framlögum frá B-hluta fyrirtækjum yfir í A-hluta umfram þann arð sem ákvarðaður er, sbr. 7. gr. sveitarstjórnarlaganna, þrátt fyrir að rekstrarhalla fyrirtækjanna hafi áður verið mætt með framlögum úr sveitarsjóði.

Óvenjulegir liðir.

Útgjöld eða tekjur sveitarfélaga sem ekki falla undir venjulegan rekstur þeirra skal sýna sem óvenjulega liði, enda hafi þau veruleg áhrif á afkomu sveitarfélags og skekki

samanburð milli ára og milli sveitarfélaga. Dæmi um óvenjulega liði má nefna verulegan hagnað/tap af sölu hlutabréfa í fyrirtækjum sem ekki tengjast beint starfsemi sveitarfélags og verulegan hagnað/tap af sölu varanlegra rekstrarfjármuna, enda sé um að ræða varanlega rekstrarfjármuni sem óvenjulegt er að sveitarfélagið selji.

4. gr.

Auglýsing þessi, sem sett er á grundvelli 18. gr. reglugerðar nr. 944/2000, öðlast þegar gildi.

Félagsmálaráðuneytinu, 12. nóvember 2002.

Páll Pétursson.

Garðar Jónsson.

AUGLÝSING

um breytingu á auglýsingu nr. 414/2001 um flokkun og greiningu í bókhaldi og reikningskilum sveitarfélaga.

1. gr.

Eftirfarandi breytingar verða á 1. gr. auglýsingar nr. 414/2001:

- a. Við bætist málaflokkurinn 20 Framlög til B-hluta fyrirtækja.
- b. Við bætist málaflokkurinn 27 Óvenjulegir liðir.
- c. Heiti málaflokks 28 verður: Fjármunatekjur og fjármagnsgjöld.

2. gr.

Eftirfarandi breytingar verða á 2. gr.:

- a. Undir málaflokki 09 bætist við rekstrareiningin 09-7 Lóðir og lendur.
- b. Undir málaflokki 10 fellur niður rekstrareiningin 2 Nýbygging gatna (gatnagerð).
- c. Við bætist málaflokkurinn 20 svohljóðandi:
Framlög til B-hluta fyrirtækja.
Framlög skulu sundurliðuð niður á hvert fyrirtæki sveitarfélags.
- d. Við bætist í málaflokki 21 rekstrareining 21-3 Ónotaðar eignir.
- e. Undir málaflokki 28 fellur niður rekstrareining 9 Reiknuð áhrif verðlagsbreytinga.

3. gr.

Eftirfarandi breytingar verða á 3. gr.:

- a. Heiti undirtegundar 70 undir höfuðtegund 7 verður vaxta- og verðbótatekjur.
- b. Heiti undirtegundar 71 undir höfuðtegund 7 verður vaxta- og verðbóttagjöld.

4. gr.

Auglýsing þessi, sem sett er á grundvelli 18. gr. reglugerðar nr. 944/2000, öðlast þegar gildi.

Félagsmálaráðuneytinu, 12. nóvember 2002.

Páll Pétursson.

Garðar Jónsson.